

## Ne balondiou žiuogri tvertė

Balondelis krūma paukštis  
Ožborkava onkstėl ryta.  
Nenurimst, pakėla karštis —  
Nuor ons vestė patė kėta.  
Nedornlouk to, mielėnšvarki,  
Ė nejoukink marga svieta!  
Nesokruovee daa lėzdelė —  
Ožsėtrauksl baisė gieda.  
Ne balondiou klaulės šertė,  
Ne balondiou žiuogri tvertė.  
Kor tik medie yr drevelė  
Tėn — patelė ė lėzdelis.  
Padies margoujt klaušėl,  
Vo aš nešio kėrmėnelius.  
Jauns balondis — krūma paukštis  
Noplasnuos i dongaus aukštī.  
Ėšperlets krūmėnis paukštis  
Tarškėn sparnaas vėrs pakaušė,  
Vo aš veizous atsėvertės,  
Kaaپ tou paukštī mon notvertė.  
Patarškintiuo kaaپ balondis,  
Nebebūtiuo nosėgondės,  
Aplonkytiuo vėsa svieta  
Ė žmuonellus pamylėtiuo.

## Neožmėršio šiuo rodėns

Ėšskubėjau pagrybautė  
I guojėlī, pri nomū.  
Pasėjlemės bolviu kreži,  
Ėino zoiktu takėllo.  
Pelkės, grīuovee jau ėštvenė  
Nu rodėns šėltū lytū.  
Brendo, kelnės pasėrattės,  
Vo tū grybu nikuokiū.  
Vuoškėnėe jau sopovė,  
Rauduonėkiu — tik kuotaa.  
Eso baisee nosėmėnės —  
Vielaa keltėis — negeraa.  
Kėta ryta, vos prašvėtos,  
Atsėkiellau so gaidees,  
Daa dėlnelee nesomėtos,  
Nolapnuojau paopees.  
Tuoklū grybu, baravyku  
Neso matės nu mažėns.  
Vėsė dailė, vos išdygė —  
Neožmėršio šiuo rodėns.

## VAINUORIENĖ JEDVYGA

Ont aukšta kalna, 11 gektaru žemės sklypelle, truobalie šiaudėnio stuogo aš pasauli išvydau 1927 metu kuova 9 dėina. Tas ivyka Plungės rajtuona Divytiu kaimė. Mama bova Stanislava, tievielis — Juons. Užaugėna anėl 5 dukteris ėr 4 sūnus. Muokiaus Plungės trijuo metu prekybas muokykjuo, Telšiuo muokytuoju semėnarėjuo, Šiauliuo stodėjavau ėr bėngiau lietoviu kalba ėr literatūra. Dėrbau Lauksuodės, Žarienu muokykluos. Tėn nuostabės vėitas ėr dėdėlee gerė žmuonės. Će ėr Mėnėjė, ėr Paplėnėjės pėlekalinis, natuolėj poikiesis Džiuga kalns, Germonta ežers.

Tievielis bova mėška darbininks, dėdlee jau triuos šėrdėis žmuogos. Ons muni tonkee liuob nosivėžtė i mėška. Aš patī anou taap pat dėdlee mylo, laikau, ka tuos vėitas yr švėntas. Će gal pajostė ne tik mėška gruožī, ramybė, bet ėr begalėnė Dėivalė palaima.

Pėrma sava kūrėnieli parašiau 1950 metaas apł Lauksuodas partizanus. Po tuo jau ėlgam nabipadieju pluunksnas. Rokoujous žemaitėškaa, žemaitėškaa ėr eilloujo.

1994 metu kuova 27 dėina



## Mona ramunelė

Prisėskinsiu ramunieliu  
Aš baltum  
Ėr ėšborsiu sava laimė  
Ėš žėidum.  
Krės lapelee nu žėidelė,  
Krės tik Će.  
To ateesi aplonkytė  
PaslapĆe.  
Rinkso žėidus vasarelės  
Tiktaa tau.  
Mielsvas akys mon pasaka,  
Kon matau.  
Bernužieli duobilleli  
Aš mylo,  
Ramunelės balto žėido  
Vės tėko.  
Lygiuo lonkuo skinsma žėidus  
Mes abo.  
Šėndėln būsem mes laimingė  
Tik karto.  
Ramunelė baltgalvelė  
Būrė mon,  
Ka mylieĆiuo ėr tiklieĆiuo  
Tau vėlnam.

## Germonta mėškė

Germonta mėškelee —  
Dieva duovana.  
Ėlsas Će tievelee  
So šeimā vėsa.  
Mėškielis tortings  
Grybaas ėr glieliem.

Džiugas mažėjee  
Ouguom dėdėliem.  
Žemougelė žvalguos  
I vėsas posės.  
Rinks, sorinks maželė  
Rauduonas ėr skanės.  
Vakars jau viel atplauk  
Ežera pakraštėes.  
Saulė apsėkluoje  
Lapelees žalees.  
Klausuos valkelee  
Vuolungės dainuos.  
Germonta bangelės  
Sapnūs užliūllous.

## Pri Germonta

So beržū pumporelees,  
žėbuĆlu akellem  
Ė vytorė gėismė padongte meisuo  
Šypsuoķėmies saulee,  
dainloukem Tlevynėe,  
Vo varga nuplausma  
Germonta banguo.  
Skaruotuosės eglės  
Germonta gaub  
Ė laika kaaپ kūdiki sava gliėbie.  
Tik Džiugs senielis i praeiti žvelg,  
ŽemaiĆiu dilybė sauguodams  
šėrdie.  
Pri Germonta, Džiuga  
žemaitėe gyvena —  
Će mūsā senuollu žemė švėnta.  
Myllejuom, myllesma sava  
Tlevynė,  
Vo laisvė išsauguot padies  
mums mėška.